

**RAPORTU
N° 2014/E1/018**

ASSEMBLEA DI CORSICA

1MA SISSIONI STRAUDINARIA DI U 2014

30 È 31 DI GHJINNAGHJU

**RAPORTU DI U SGIÒ
PRISIDENTI DI U CUNSIGLIU ESECUTIVU**

**SCAMBIAMENDU DI DINUMINAZIONI DI I STRADI NAZIUNALI IN CORSICA È
CLASSIFICA DI I STRADI À CIRCULAZIONI IMPURTANTI**

CUMMISSIONI CUMPITENTI :

CUMMISSIONI DI U SVILUPPU ECUNOMICU, DI A
PIANIFICAZIONI DI U TARRITORIU È DI L'AMBIENTI

**RAPORTU DI U PRISIDENTI
DI U CUNSIGLIU ESECUTIVU DI CORSICA**

UGHJETTU : Scambiamentu di dinuminazioni di i stradi naziunali in Corsica è classifica di i stradi à circulazioni impurtanti

Stu raportu t'hà com'è ughjettu d'infurmà l'Assemblea di Corsica à nantu à l'avanzamentu di u cartulari relativu à u scambiamentu di dinuminazioni di i stradi naziunali in Corsica.

I stradi naziunali sò stati trasferiti à a Cullittività Tarritoriali di Corsica da a leghji di u 13 di maghju di u 1991 chì porta statutu particulari di a Corsica. Stu trasferimentu hè statu effettu u 1^a di ghjinnaghju di u 1993.

L'Assemblea di Corsica hà sempri ingagiatu mezi impurtanti pà mudernizà è accuncià a reta stradali tarritoriali in a prospettiva di u sviluppu di l'ecunomia isulana. Sta vulintà s'hè tradutta incù l'aduzzioni di u schema dirittori di i invistiscimenta stradali à deci anni, u 23 di ghjugnu di u 2011

À st'uccasioni, hè statu dinò dicesu di cambià a dinuminazioni di l'itinerarii in « stradi tarritoriali » è vi aviami prupostu durante una sissioni precedenti una nova numarutazioni.

Hè cusì chì pà a reta principali :

- ✓ l'assu Borgu - Bonifaziu, a N 198 duvintarà a T 10 ;
- ✓ l'assu Aiacciu - Bastia, a N 193 duvintarà a T 20 ;
- ✓ l'assu Merusaglia (Ponte à aLeccia) - Calvi, a N 197 duvintarà a T 30 ;
- ✓ l'assu Aiacciu - Bonifaziu, a N 196 duvintarà a T 40 ;
- ✓ l'assu Corti - Aleria, a N 200 duvintarà a T 50.

A carta in appicciu à stu raportu pricisa u insemu di u prughjettu è dà u ditagliu di i novi numarutazioni di i stradi tarritoriali.

I numari à dui sciffri sarani affettati à l'assi principali quandu i numari à trè sciffri sarani liati à vii aspittendu una sclassifica à un'antra cullittività.

Duranti sta sissioni, aveti musciatu a vulintà, in più di a nova numarutazioni, di pudè dinò dà un nomu à issi vii ; hè parciò ch'è vo m'aveti fattu parvena pruposti.

Tuttavia, m'hè parsu utili di cunsultà a pupulazioni. I paisani intervinarani pà via di u situ internet di a Cullittività Tarritoriali di Corsica.

Sti noma, aghjuntivi à a numarutazioni, sarani matirializati incù un panneddu spificu à u principiu è à a fini di l'itinerariu.

Issu scambiamentu di dinuminazioni di i stradi di a Cullittività Tarritoriali di Corsica sarà accumpagnatu da i mesuri chì suvitani :

- sustituzioni di u culori russu attribuitu à i cartuccia di a segnalazioni dirizzionali è à i borni PR di a reta nazionali da u turchinu,
- aghjustu di u logò di a Cullittività Tarritoriali di Corsica à nantu à a parti bianca di i borni chilometrici in cunfurmità à a macchetta in appicciu è à nantu à u insemu di i veiculi affettati à u intratenimentu è à a splutazioni di i stradi in più di un dispositivu culuritu d'identificazioni in cursu di difinizioni,
- ripresa cumpletta di i borni in PR,
- infurmazioni di i pruduttori di cartugrafia pà u rinnovu.

Un currieri sullicitendu un avisu à nantu à issi dispusizioni hè statu mandatu à M. u Diligatu Interministeriali à a Sicurezza Stradali di u Ministeru di l'Internu d'aprili di u 2013 ; issu currieri hè statu senza risposta pà u mumentu.

Tinindu contu di i tarmini nicissarii pà metta in anda u insemu di i misuri quì subra, hè prupostu di ritena u vaghjimu 2014 pà rializà issu scambiamentu di dinuminazioni di i stradi.

Pà ciò chì tocca à a classifica di i stradi à circulations impurtanti, u decretu di u 3 di ghjugnu di u 2009 hà annullitu a lista di i stradi nazionali classificati à circulations impurtanti, lista fatta prima da u decretu di u 13 di dicembri di u 1952. Di cunsiguenza, a Cullittività Tarritoriali di Corsica ùn disponi più di una lista chì faci a classifica di i stradi nazunali chì li sò stati trasferiti.

À i sensi di l'articulu R. 152-1 di u Codici di a Viaria Stradali « i stradi à circulations impurtanti, qualsiasi a so appartenenza dumaniali, sò i stradi chì permettini di assicurà a cuntinuità di l'itinerarii principali è, anzittutu a sviata da allibbià u trafficu, a circulations di i trasporti eccezzionali, i cunvii è trasporti militari è u serviziu ecconomicu di u tarritoriu, è ghjustifichighjani, com'è tali, reguli particolari pà ciò chì tocca à a pulizza di a circulations ».

I cunsiguenzi di sta classifica sò parichji :

- cunfirisci à issi stradi un statutu priuritariu di pettu à quidd'altri viarii in tarmini di circulations
- i pruprietà nantu à orlu di mari ùn ani micca un accessu direttu à i diviazioni di una strada à circulations impurtanti (articuli L. 152-1, R. 152-1 è R. 152-2 Codici di a Viaria Stradali).
- i custruzioni o stallazioni sò pruibiti in una banda di sittanta cinqui metra da una parti à quidd'altra di l'assu di a via fora di i spazii urbanizati di i cumuni (articulu L. 111-1-4 di u Codici di l'Urbanisimu) : sta interdizioni sparisci in prisenza di reguli sfarenti d'impiantazioni di i custruzioni à l'arici di i stradi à circulations impurtanti cuntinuti in un documentu lucali d'urbanisimu (POS/PLU o carta cumunali) o in un arristatu prifitturali. L'interdizioni di custrucia si appiega à i spazii chì ùn sò urbanizati chì poni situà si in a limita di l'agglomerazioni o fora di sta limita. Cuncirnendu st'ultimu puntu, a tupugrafia di a noscia righjona ni rendi l'appiigazioni difficili.

A voscia Assemblea essendu cumpitenti à nantu à stu fattu par via di l'appiigazioni di l'articulu L. 4424-21 ultimu paragrafu di u Codici Generali di i

Cullattività Tarritoriali, vi hè dunqua prupostu d'annulscia u dispositivu di numarutazioni è di classifica di i stradi à circulations impurtanti aduttatu pà i stradi di a CTC situati in Cismonti pà dilibrazioni n° 10/031 AC di l'Assemblea di Corsica di l'11 di frivaghju di u 2010, è di classificà com'è strada à circulations impurtanti i dui intrati di i cità di Aiacciu è Bastia à 2X2 vii. Si tratta di a T11 da Bastia à u Viscuvatu è a T21 in Aiacciu.

Hè pricisatu ch'è u Pridenti di u Cunsigliu Esecutivu di Corsica disponi di cumpitenzi sputichi. Prima, esercitighja u so puteri di gistioni di a reta stradali (vii è ecchippamenta annessi) avendu intigratu u patrimoniu di a CTC (articuli L. 4424-1 è L. 4422-25 di u Codici Generali di i Cullattività Tarritoriali). Dopu, hè l'auturità cumpitenti pà piddà misuri di pulizza di circulations è di staziunamentu à nantu à i stradi di a Cullattività Tarritoriali di Corsica pà appiigazioni di l'articulu L. 411-4 di u Codici di a Strada ch'è rimanda à l'articuli L. 4424-1 è L. 4422-25 CGCT.

I misuri di missa in anda di u scambiamentu di dinuminazioni è di classifica in stradi à circulations impurtanti, relativi à i stradi di a Cullattività tarritoriali di Corsica com'è discritti in stu raportu entrini in u quadru di sti cumpitenzi. Cusì, sarani presi da un arristatu di u Pridenti di u Cunsigliu Esecutivu di Corsica è intrarani in vigori dopu à a rializzazioni di i misuri di publicità richiesti, senza apprubazioni da l'Assemblea di Corsica à nantu à issi misuri.

CHJUSURA

Pà compia, vi prupongu :

- 1) d'ANNULÌ u dispositivu di numarutazioni è di classifica di i stradi à circulations impurtanti aduttatu pà i stradi di a CTC situati in Cismonti pà dilibrazioni n° 10/031 AC di l'Assemblea di Corsica di l'11 di frivaghju di u 2010,
- 2) di MUDIFICÀ a dinuminazioni di l'itinerarii in « stradi tarritoriali » com'è indicatu in u raportu quì subra è a carta in appicciu,
- 3) di CLASSIFICÀ in Stradi à Circulations Impurtanti (RGC) i dui intrati di i cità d'Aiacciu è Bastia à 2X2 vii. Si tratta di a T11 da Bastia à u Viscuvatu è a T21 in Aiacciu è d'auturizà a presa di l'arristati ch'è currispondini.

Vi dumandu di dilibbarà ni.

ASSEMBLEA DI CORSICA

**DILIBARAZIONI N° 14/ AC DI L'ASSEMBLEA DI CORSICA
CHÌ PORTA À NANTU À U SCAMBIAMENTU DI DINUMINAZIONI DI I STRADI
NAZIUNALI IN CORSICA È A CLASSIFICA DI I STRADI À CIRCULAZIONI IMPURTANTI**

SIANZA DI U

L'Annu dui mila quattordici, è u, l'Assemblea di Corsica, convucata di modu regulari s'hè adunita incù u numaru prescrittu da a leghji, in u locu abituali di i so sianzi, suttu à a presidenza di M. Dominique BUCCHINI, Prisidenti di l'Assemblea di Corsica.

L'ASSEMBLEA DI CORSICA

VISTU u Codici Generali di i Cullittività Tarritoriali, Titulu II - Libru IV - IVesima parti,

VISTU u Codici di a Strada,

VISTU a dilibarazioni n° 10/031 AC di l'Assemblea di Corsica di l'11 di frivaghju di u 2010 appruvendu u dispositivu di numarutazioni di i stradi naziunali in Cismonti è a classifica di i stradi à circulazioni impurtanti,

NANTU à raportu di u Prisidenti di u Cunsigliu Esecutivu di Corsica,

DOPU À AVÈ NI DILIBARATU**ARTICULU PRIMA :**

ANNULISCI u dispositivu di numarutazioni è di classifica di i stradi à circulazioni impurtanti aduttatu pà i stradi di a CTC situati in Cismonti incù dilibarazioni n° 10/031 AC di l'Assemblea di Corsica di l'11 di frivaghju di u 2010.

ARTICULU 2 :

DICIDI di cunsultà a populazioni pà a dinuminazioni di l'itinerarii in « stradi tarritoriali ».

ARTICULU 3 :

CLASSIFICHIGHJA in Stradi à Circulazioni Impurtanti i dui intrati di i cità d'Aiacciu è Bastia à 2X2 vii : T11 da Bastia à u Viscuvatu è T21 in Aiacciu è auturizighja a presa di l'arristati chì currispondini.

ARTICULU 4 :

Sta dilibarazioni sar  publicata   a racolta di l'atti amministrativi di a
Cullittivit  Tarriturali di Corsica.

AIACCIU, u

U Prisidenti di l'Assemblea di Corsica,

Dominique BUCCHINI